



07229

清容居士集卷第十五

開平第一集 甲寅

延祐改元五月三日分院十五日始達開平得詩數

篇錄示兒曹

居庸關

太行領羣山萬馬高下拜平巒轉城隍隱隱南北界危坡
互交牙寒漚瀉汗泮陰風元虬湧巨石忽崩壞周遭青松
根下有古木砦石皮散青銅云是舊戰鎧天險不足憑歷
劫有成敗驅車上林杪出日浴光怪肅肅空巖秋天風迅
行邁

清容集卷十五

一

五稼堂叢書

雨中度南口

山寒絕禽鳥獨聞子規啼石壁飛雨驟眾木搖淒淒瘳馬
蹴亂石高下齧其蹄陟嶽沮洳澗漸覺所歷低暝色起亭
午土屋流寒泥須臾過雷聲倏忽生晴霓水清亦可渡戒
僕踰前溪

重午日宿南口小店

寒雨鳴石峽蕭蕭五月秋道逢采藥人不識葵與榴氣清
諧令節暑溽想南州涼颼木末來動色思重裘猶持一卮
酒慰彼湘纍愁

桑乾嶺

漠漠清都近天梯爾許長青帘蠹山影烏帽拂雲光行客

穿珠曲居人綴蜜房端窮萬里目那惜九迴腸

渡懷來沙磧

沙清圓石瘳千里聞風聲驅此轂轍車索索莎雞鳴遠山
列翠席近坡環碧城高下各有險轍迹那由平驚兔導我
前歷錄爲之驚天低雲搖蕩土曠塵縱橫謬膺翰墨選遠
行有期程迴頭望南坂初月隨風生

草地

帶水殘沙似暗潮平坡軟草綠迢迢不須迴首更南望下
馬同兒摘地椒

龍門

瀚海雙龍鐵鱗甲捲壑孳雲蹲冀闕千泉百道湊東南急

清容集卷十五

二

五稼堂藏書
三六十二

雨翻空逆晴雪古言神禹功最多導山鑿石疏九河幽都
之地不復顧迺使雙龍下地成盤渦陰風何颼颼磅礴太
古秋崩崖落車礮怪木森戈矛碎沙晴日鋪金麩云是昔
日當關挽勁之僕姑寒泉組練結九曲亭午赫日光模糊
車聲何麟麟昨宵急水迷無津垂堂之言猶在耳游子商
人行不已子規徹天呼我歸翠華北幸那得辭龍門之石
高不磨泚筆書我龍門歌

彈琴峽

在居庸

寒泉飛玉峽誰彈使成聲下有戰士骨鳴咽水中鳴絲石
本異調摩戛生虧成鑿跡匪神禹佳兵構秦嬴駐馬爲聽
之逝者何不平虛牝納新雨急促濁復清重華初省方百

神靜相迎爲作薰風弦散彼巖下情

雲州

天闊雲中郡剛風起沈寥瓊房聯洞曲土屋覆山椒
檉布朝朝市通薪戶戶燒遙看塵起處淡羨霍嫖姚

次韻虞伯生題祝丹陽道士摹九歌圖

玉眸精佇朝玉皇五采萬物迎初陽神鈞空洞光茫茫
瑤席合奏樂未央沈幾經綸白爲章膚寸帝青下填阬朝挾
朱鳥招八方旋轉風輪盪金剛君山之峯隴可望玉女鼓
瑟哀不傷世職元籍元運昌靈壽給扶顏色蒼賜齡金篋
難度量仲氏之道誰爲長淡根抱一真有常下憫濁世生
復亾浴精味谷噉扶桑寥陽昭德森九芑亾劫永寶天地
清容集卷十五
三
宜稼堂叢書
光安流舒舒復湯湯儼思白壁謝汝將懸險有戒毋垂堂
乘狸從豹何陸梁菰蒲炬粒弦管張積變不化游益荒屈
子調苦心忠良歌罷雲遏投靈湘簫巫鼓胥紛莫詳嚴嚴
祝冊遺鈴黃握管用九神歸藏出入森衛視錦囊

伏日書懷二首

伏日急雨來端坐披重裘中天異寒暑茲維帝王州碧草
記初夏堅冰在餘溝野曠無畱禽積潦不復收飛雲屢晴
陰蒼莽天宇秋營營壁間蠅就暖旬日謀元冥自成歲高
下各有求悵彼南飛雁素心愧難酬

晨起萬竈煙墨雲何輪困念昔種松者用志良苦辛寒沙
草漫漫萬騎來無津樹之似雲柵積雪迷秋春大車棟復

極小車樞與薪空餘千歲脂成此官路塵我衣素脩絮暫
汗不敢嗔俛焉拾餘煤作書記其因

題李士宏學士畫明復齋風竹

虛聲出素壁泠泠天地秋矧此三伏涼居然索重裘盪摩
神光旋戛擊元露浮浩蕩白玉京頃刻瀟湘洲昂昂員嶠
仙筆底寒颺颺高齋襲道氣澗根澹無求

慈雲堂

周南翁
祖母

萬竹鳳岡下虛堂聳翠微隔林聽返哺前嶺望孤飛山立
斑爛服牛眠錦繡圍諸孫有遺範致樂報春暉南翁近築
致樂堂奉

送濯伯玉之官雲南

清容集卷十五

四

宜稼堂叢書

蕩蕩哀牢國耕桑換不毛皮船乘驛穩銅鼓報銜高事簡
歸王化民淳汰吏曹端知清淨理山水縱遊遨

次韻玉堂畫壁

至人悟窮達斂迹寓壟畝良苗貴淡扶掖土戒蒿莠霽
新陽浮高下接紫宙跨犢東南行問事一俛首新雨瀉溝
塍交流媚川后輟耕非素心帝命資左右相彼前山雲倏
速復還岫卷舒樂樂澗署壁寫其舊清秋映空谷風雨百
神守夙昔經濟姿志不在杯酒要使風俗淳斯民樂仁壽

秋谷
耕雲

明月入水底摩盪空江雪昂昂垂綸翁在雪不在月悟彼
元化理不寐坐明發我舟非無樂我車詎無軌迂儒守繩

樞世胄貫華閥願以千尺竿裁爲濟川筏

寒江釣雪

再次韻

粵商有阿衡肥遯樂畝淡耕力其勤嘉穀寧有莠時來
起丘園勲業冠宇宙持此金石心龜勉佐元首維敬在一
德維訓守先后高風邈難追白雲在前岫堂堂匡濟功匪
以夙昔舊譬彼執御人先道謹爲右精忠百王避正色九
關守我昔夢見之再拜酌卮酒空谷秋思淡圖之奉千壽
維昔師尙父垂老鬚眉雪突兀江海姿韜精忘歲月坐石
投其竿祕籥時一發載車與之歸在德不在軌念昔經濟
人事定始功闕寒江眇風濤乘桴可如筏

上都客舍士宏爲作風竹

清容集卷十五

五

直稼堂藏書

三〇九

門巷泥淡笑獨清此君蕭灑未忘情無端昨夜風花急卻
送秋聲作雨聲

金主畫孟浩然騎驢圖

生前明主已遭嗔身後君王爲寫真家國總緣詩句廢瀟
陵猶勝蔡州塵
木葉山前雪似銀軟裘難作自由身想應晚歲朝陵後故
寫騎驢處士真

北闕明言不上書蹇驢何自入西都開元天子元無分畱
與他生作畫圖

李陵臺

矢盡夸空計未疎囊封朝奏似憐渠漢家天子春秋責從

此降臣直筆書

雪袞寒沙風袞袞灰眼穿猶上望鄉臺隴西可是無迴雁不寄平安一字來

上都楊節婦

吹徹玉參差孤鸞天外飛匣藏身後劔篋寶嫁時衣壽樂
厖眉聳心清鶴骨肥諸郎新玉立孝謹報春暉

開平第二集

已未

登候臺

蜿蜒西龍岡綠草搖晴波旁有雙玉井石角增差我明良
佐神運目力窮坡陁層垣睥睨雄寶構通義娥昂昂鐵竿
聳飛鳥光盪摩土屋粘蜜房文甍圍錦窠緬思皇猷遠默
止松林戈匪以清暑游跋履勞鳴珂陰森晚色晦寒沙聚
羣駝悲笳月初上戴斗瞻天河

次韻伯宗同行至上都

游塵捲飛蓬積水翻驚波羣山擁雙闕勇勢凌岷岷藉草
各小憩側身復登陀纖峯脩眉聳佇立愁湘娥仰視北斗
光燿燿疑肩摩田父指我言昔日捺鵬窠吾皇罷畢弋射
生久投戈二客何舒遲直可鳴朝珂銀罌傳綠蟻翠釜登
紫駝出處愧我異愛君筆懸河

再次韻答李彥方應奉

良會難具陳歲月流頽波念昔邂逅初黑髮雲冠我羣公
擅碑板雄文記頭陀于時接英武奉身如素娥粲粲白玉

著墨沼爭漸摩所思筆成塚不計印積窠君時皎冰雪正
色羞倒戈習隱吏金馬弔古師銅駝瞬息已廿載愧彼柔
乾河

伯宗再次韻復敘舊

玉署日倒影綺窗水迴波堂前雙琪樹暑清綠雲峩君時
坐其下涼漪起陂陁悲商激湘纍急羽凌韓娥執簡諒且
直惜日勤編摩盛世昭休卑枝鳥爭窠掀髯紀其瑞刻
佞侔鉛戈占風念靈烏聽水悲老駝俯仰各努力解珮投
于河

伯宗遊華嚴寺次韻二首

平蕪寒磧際突兀梵宮尊白石開金地青蓮擁紺圍城低
千嶂擁塔靜一鈴喧夙昔莊嚴果無言急掩軒

清容集卷十五

七

宜稼堂叢書

欲問生公法年淡不上堂斷雲成密樹溪柳當疎篁十地
三乘要諸天百和香元機吾素解何日勘禪房

上京雜詠

雲護中街日風開北戶天千清凝白雪萬竈起青煙午溽
曾持扇朝寒卻衣綿松林空有界翦伐不知年

土屋層層綠沙坡簇簇黃馬鳴知鬻急雁過識天涼墨菊
清秋色金蓮細雨香內園通閬苑千樹壓羣芳

天闕虛無裏城低納遠山白榆迷雁塞青草補龍灣市簇
家家近官清日日閒重游溪問俗漸恨鬢毛斑

舊歲寒冬惡霏霏土雨迷門荒懸馬革草淨絕牛蹄列帳

煙光慘空營月色低縣官捐粟帛歲晚得扶攜
上國饒爲客天涼眼倍青白魚沙際網黃鼠草間翎芍藥
圍紅斗摩姑綴玉釘漸知塵骨換振佩接青冥
天錫清涼國晴霞綻雪峯月低疑墮兔雲近得攀龍寶鑑
頰冰撤筠籠賜果封白頭貂帽客爲我語淡冬
駝鼓村村應傳更趣進程草肥涼露白樹薄曉風清帳殿
橫金屋氈房簇錦城屬車流水度細點侍臣名
伏日瓊林宴名王總內朝帽尖花壓翠衣角錦團貂炙熟
牛酥茱醅淡馬乳澆柘枝旋舞急宛轉稱纖腰
市狹難馳馬泥濘易沒車凍蠅爭日聚新燕掠風斜晚汲
喧沙井晨炊斷木槎閭閻通茗酪俗簡未全奢

清容集卷十五

八

宜稼堂叢書

卷十五

長夏崇真館疎簾灑靜便支頤推萬古止息契重元月窟
窗如雪天瓢酒似泉主人憐老客下榻不曾懸

再次韻

帝京環陸海平野接冰天龍吐青林火狼沈紫塞煙風花
秋黯淡雲葉雨連綿昔日君臣意淡符卜洛年
寶閣凌空涌金壺映日黃梵音通朔漠法曲廣伊涼御榻
惟經帙宮爐獨篆香吾皇清淨德銀管願垂芳
高下雲中樹疎明雪外山坡凹茅結屋嶺轉水回灣禁路
分馳道沙場當內閣通明風露冷時許侍清班
晨起儀臺立煙青望眼迷草低鷹側目車逼馬迴蹄風勁
弓弦直泥融柱礎低蚊蠅深斂跡塵尾不須攜

紫極中天正森森接帝青雁歸傳帛信雉落舞紅翎寶所
金千頃朱門帶萬釘瀛洲清淺處高坐納空冥
昔年曾扈蹕宿直對鼇峯錦掣蘭若翠波翻墨沼龍起居
青簡注除拜紫泥封共說先皇日千官總住冬

土驛高低置蒼茫七日程馬通分熠燿牛酪注滾清殘雪
明珠闕繁星列火城前山黃白處草藥不知名

千堞蜂腰凸羣山馬首朝沙場調俊鶻草窟射豐貂聞舞
花頻簇狂歌酒恣澆今年春事減土舍雪齊腰

箭浴驚遊騎鈴傳督運車土風殊楚越驛道做衰斜細雨
三更枕清秋八月槎夜聽繁管急漸習五陵奢

長齋孤館靜捧腹睡便便酒斷眸疑碧塵淡鬢返元凍蜂
粘暖草乳燕啄冰泉過翼時頻數鄉心日夜懸

李陵臺次韻李彥方應奉

前坡聳頽基云是望鄉臺往事已歷歷亂石何冤鬼想此
二子別袂結不能開河梁白日速朔風袞沙堆漢法重失
律輕生表奇才一跌不得返歎歎壯心摧形影胡越分骨
肉參商乖萬事已瓦解誰能寫余哀昂昂司馬生義色典
壯懷子卿固偉節屬國何低徊衰功實譎淺議刑良刻哉
坐令衛律輩歲望邊城來

次韻李齊卿呈閒閒嗣師

清都逼紫微瑤光流玉壇陰厓太古雪伏日生午寒澄懷
集遐思黑髮竹皮冠元關轉輕雷銀潢激層瀾取彼白石

詞寄以朱絲彈一彈去日短再彈行路難兩曜疾飛隼歸
雲生樹端遠游感夙昔努力慎風餐

西京李齊卿讀所贈吳公詩愛之遂次其韻

溫溫紫玉姿陽休升觚壇維時夜氣肅璇璣動苾寒辟公
閱多士謂宜錫元冠環水會文海俾爾揚清瀾東南有高
樓繁吹和急彈我獨念子意希聲世知難遺情寄寥廓冥
雁渺雲端去住靡所止精思勿忌餐

伏日

伏日陰陰九月天雲邊桂露十分鮮侍臣已入清涼境不
到凌虛未是仙

偷桃曼倩語言尖伏日歸來割肉廉那似蓬萊風露冷重
裘端坐絕趨炎

清容集卷十五

十

宜稼堂叢書

松林行

陰陰松林八百里昔日相傳爲界地元雲捲甲天馬來雪
兔霜狐先委靡山前犬牙十六州石郎屈膝輕相投淺沙
圓石古轍迹草靑草枯無盡愁拂天鎮南北萬井燃
松煙似墨大車龍角全小車輪困束矛戟松花落子
復抽不如昔日當道稠採薪之人不辭出郭十里爭
相酬君不聞雪山之西銅柱南混同鴨綠成東漸金山蒙
駝爭貢寶翦取平林作馳道

採摩姑

官山摩姑天下無迸石菌蠢攢寶珠阿香執御雲中驅天

瓢急注爭葩敷玉京高門散金鋪刺欲點綴完無膚萬釘
寶帶山澤癭圓如佛螺綴頭顱累如秬黍連二桴羶根未
許相模糊蚪泉石鼎鳴笙竽急投小烹養甘腴上池三咽
生醍醐五芝高著神農書吾欲比之議匪迂天花代北嚴
貢輸永寔定論兄弟俱

尚尊賜張上卿薛元卿賦詩次韻

龜眸鶴骨煉純陽言合靈著行有常黼坐近瞻堯日月屬
車遠度漢封疆英雲玉佩開仙府湛露瓊卮出尙方怪
相如多病渴願分金掌接恩光

再次韻

居庸曉次日初陽肅肅龍旂出奉常獸殿頻趨恩有秩鵲

清容集卷十五

十一

直稼堂叢書

爐溪祝壽無疆冰壺酒滑通眞一雲閣香清接上方靜夜
屢陪談塵樂燈搖寒燼目搖光

復成二篇

羞逐羣芳度豔陽手神宏景筆元常氣雄轉旆攻秦壁色
正登壇復魯疆易玩天皇遊太古書看王會補殊方平生
物論淡涇渭寶鑑懸空背透光

孤鳳清聲出嶧陽沖天采羽越尋常清心侍帝眞醫國東
髮從師屢出疆明月乘鸞通碧落空江瘞鶴憶朱方詩囊
取次傾珠琲一一清圓敵夜光

西京任庭瑞樂善齋

大鈞妙無心變化各有職元陽執樞紐羣動遂生息達人

洞顯幽語默絕窺測尸居碧窗曉觀萬養真寂春葩陽林
秀眾采紛蕤蕤上有黃鸝鳴下有游鹿跡嗒然遺世情至
道在几席芝眉紫綸巾舉酒起玉色桐孫護清風竹母引
白石素心絕榮侈天爵覓有得敦龐古遺民過里車已式
願言表其閭庶以昭帝則

白雲閒齋

武當靈峯通廓寥下有白雲護山腰朝入寢扉結翠被暮
宿丹井騰金瓢神君握機不盈寸頃刻倒影旌幢飄道人
夙昔慣所見更上岩巖挾斗杓

送金華王生

不到金華洞于今二紀餘偶逢騎鶴客爲覓牧羊書芸笈

清容集卷十五

士

宜稼堂叢書

秋消靈萱堂暮饌魚江湖易衰感薶且問樵漁

建昌李生城南別墅

雲樹黑微茫依稀見竹房山空遼鶴化市近海鷗藏逸興
王官谷幽禪華子岡展圖塵眼眯剩欲濯滄浪

開平第三集

辛酉

至治元年二月庚戌至京城壬子入禮闈考進士三

月甲戌朔入集賢院供職四月甲子扈蹕開平與東

平王繼學待制陳景仁都事同行不任鞍馬八日始

達畱開平一百有五日繼學同邸八月甲寅還大都

得詩凡六十二首道塗良勞心思彫落姑錄以記出

處耳是歲八月袁柄序

次韻繼學途中竹枝詞

居庸夾山僧屋多鑿石化作金彌陀但看行車度流水不
見舉拂談懸河宮木靜涼與鼓薰風對出一曲漁歌
紅袍旋風漾金泥車前把酒長跪齊忽聽琵琶相思曲迎
郎北來背面啼留一吏數寒一吏煎並行開平十二
氈房錦幄花簇勻酥凝疊餅生玉塵晚傳宮壺檀板急酒
轉一巡先吐茵讀土氣無新舊人土思
土屋苦草成屠廡前牀翁媪後小姑我郎南來得小婦蘆
笛聲聲吹鷓鴣
雲州山如五朶雲老松積鐵霾青春遂令古雪不肯化萬
杵干爐煎貢銀

清容集卷十五

三

宜稼堂叢書

山後天寒不識花家家高麗芍藥芽南客初來未諳俗下
馬入門猶索茶

寒風捲蓬沙轉黃駐馬問路路轉長紅衣簇簇入新市指
點壚頭稱上方

朔雲蕩蕩愁燭龍土房擁被睡高春披衣上馬過前驛清
霜急雪時相逢

瀛洲往歲侍宸居一度還家一度疎近行開平十二驛眼
望南雁傳鄉書

閭闔雲低接紫宮水精涼殿起薰風侍臣一曲無懷操能
使八方歌會同

四月二十六日曉霜

遠坡殘月露零零曉壓椒花玉作屏他年若向南州說疑
是鄉生逞怪靈

戲題樺皮

褐裳新脫玉層層紅葉朱蕉謝不能擬製小冠韜短髮意
行雲水一枝藤

望雲州

望雲州裏松花白金閣山前木葉丹駐馬搖鞭游不到還
家寫作畫圖看

次韻薛元卿南還題驛二首

思君月落見參旗碧眼微醺倍陸離北上開平復南去卻
如返棹剡溪時

清容集卷十五
十四
宜稼堂叢書

碧窗雲冷思萋萋曉揭黃庭眼未迷宜向山陰道中住聽
風聽雨聽猿啼

次韻答陳明復

漢殿高懸五丈旗羽人朝奏佩江離綠章已徹蒲團坐正
是金門月上時

碧雲深處草萋萋誰道桃源路已迷昨夜紫霄峯頂坐天
雞子夜獨先啼

再次韻

行殿風高十二旗碧雲深處紫流離相如獻賦誰能繼有
客瀛洲獨立時

烟籠沙積凍雲萋錦簇椒花五色迷不是朝天騎馬倦寒

雞自怯曉鐘啼

次韻李伯宗學士途中述懷

山巍磧瘳馬透遲盡日雲陰變四時曉度柔乾雪新作倚
松參坐鬪題詩

李陵臺下日遲遲惆悵河梁執別時漢武不知歌四牡十
年競作五言詩

縈紆馳道屬車遲白髮微臣際盛時侍獵能追上林賦登
臺願繼柏梁詩

紫禁天低夏日遲深紅芍藥勝春時共仰雲孫李學士樂
府新填更進詩

內宴初筵舞尉遲榴花未吐艾花時宮詞久矣無王建把
清容集卷十五

筆爭傳應制詩

鼇峯土冷菊花遲滴滴金明八月時畱取東平老學士烹
羊分韻酒催詩

端午謝吳間問惠酒

客裏端陽景物殊侍晨分釀出偏壺松間尙積千年雪澗
底難尋九節蒲弄玉論陳醫國艾研朱手寫辟兵符侍臣
陡覺蓬萊近簇簇宮花徧藥珠

榆林

白榆天上生北塞傳真種漢皇究邊略盛秋此爲重神武
開帝京赤縣官曹擁井邑生聚繁折戟出耕壟考昔所種
榆禾黍日奉奉繁絃雜伎部一一承天寵盛衰諒有時前

山碧雲涌

王翊太北關谷幽亭涼口寒然茶心自創出

奇里一龍虎臺林葉翻翻日亭半開對新林青苔山水

羣山朝宸居層臺納靈秀百泉暗東西千嶂明左右沙磧水多

伏先皇雄略漢省方歲巡狩翠華懸中天問俗首耕耨沈

沈豨貅壘濯濯鷹犬藪前行節駝鼓執御各在手侍臣仰

天威長跪四方奏往聞父老言羅拜上萬壽山桃與黍酒

啟齒時一嗅乘雲去無蹤過者必稽首登坡望儲胥紫氣

徹牛斗

居庸關

扈蹕朝上京嚴裝戒脩途首夏天宇肅寒雲慘不舒足弱

跨鞍窘喋喋詢前途縈紆入南口松籟吹笙竽在昔恃險

清容集卷十五

六

直稼堂叢書

隘當關守千夫一朝天馬來巖嶠成康衢大統叶天運神

武開皇謨信矣經啟功聿超神禹圖

桑乾嶺

茲山西北來旋轉十二雷昔人望鄉處生別何崔嵬我來

坐絕頂雲漢森昭回出日騰金鉦積露流銀臺長空不受

暑雪華散皚皚氈車引繩過屈曲腸九迴微蹤愧三至南

望心低徊長風馬耳迅何當賦歸來

李老谷

層巒積明秀深崦景懋圍千松受新雨一一流珠璣少憩

倚厓厂清湍激林霏睡醒日亭午隔溪啼秭歸昔有山水

癖屣勉登王畿欣此澗谷幽亭亭白雲飛素心儻自輸出

處諒無違

龍門

蒼厓出雙闕羣山頰首尊陰風起晴雷摩盪晝日昏鉞峽
擁偏仄百川爲之奔疑下有龍湫送怪躡天門滄兮出膚
寸頃刻黃流渾側徑出石壁巨浸存遺痕緬昔設天險事
久難窮論征衣襲輕雨神君儼雲根

獨石

亂石各參布茲山以獨稱磅礴太素初星隕遺其形磊落
絕眾附昂昂耿晶瑩此土積陰沍草木無光精疑有華表
人宴坐陳廢輿前車何繩繩去馬何騰騰問之了不應油
然白雲升

曉發

清容集卷十五

七

宜稼堂叢書

蓐食慎王事曉星當前戶跨馬官道行細草泣寒露亂石
鳴琤琤啼鳥守荒樹行行未十里問埃坐當路年衰脛力
拘望遠彌窘步天風捲飛蓬白日互吞吐淡知非世才歸
耕誓先墓

合門嶺

寒沙高岡聚積溜開土門地媼神功奇茲焉奉帝尊先皇
歲巡幸屬車爛華軒令嚴植前茅高下相攀援魚貫別後
殿蟻行定前屯飛丸落千尺警裂驚危轅履險淡自持人
情戒居安寒雲蔽出日去去踰前村

赤城

茲山浴曉日，牆壁流丹砂。昔聞天台峯，云受珠宮霞。地氣有南北，變化無殊差。瓊墳登禹書，頽壤勞民嗟。感彼山上松，黑鍊留槎牙。形色有正性，染入徒增夸。至今溫泉下，金鼎烹靈芽。

灤河

近山馬昂髮，遠山鳳騰羽。百谷奔亂流，屈曲長蛇赴。維時雨新過，急溜槽牀注。居人匯爲井，千屨集沙步。寒光澄玉膏，甘冽過牛乳。茲泉成白溝，巨浸合沮洳。如蓮芡充餽，糧魚蝦足租。賦塞翁話疇，昔陋彼成險。固往事不復論，云云日東去。

次韻虞伯生墨竹畫壁

清容集卷十五

大

宜稼堂叢書

墨雲參差平地湧，碧窗浙瀝寒風生。截爲崆峒白玉管，螭龍夜嘯幽風鳴。六月雪花飄上京，崢嶸直與星斗平。出門忽作江海興，推枕先聞金石聲。

楊花曲

上都楊柳瘳，且堅葉葉不展圓。如錢年年飛花作端午，遠客乍見心茫然。上都飄雪不知數，此花與雪相旋舞。黃鸝聲絕孤雁鳴，萬騎千車互來去。手攀短條心欲絕，宛轉成毬恨初結。寒風飛蓬捲車輪，點點相亞隨。明滅南鄰蕩子衣，夜單曉望出日如黃綿。辛勤掇拾不敢棄，願刮龜毛同作氈。

伯宗學士悉和鄙作唐律敘謝

我冠疎髮老詞臣筆底花飛點點春千里關山勞夢寐百
年泉石換精神蕪城賦罷生新恨夔府詩成歎絕塵更有
御園紅芍藥生香一曲柘枝新

四月廿一日與繼學同出健德門而伯庸以是日
入都城作詩寄之

二子出北門一客南門來燕鴻兩相避矯首氣崔嵬客有
百和香我有蒲萄杯把杯客不見我心爲之灰願畱百和
香以待二子回

乞酒潘景梁學士

長夏蕭齋學晝眠鼇峯淡處酒如泉山瓢從此通來往準
擬宮袍不上船

清容集卷十五

九

宜稼堂叢書

次韻繼學

急電散晴雪仲夏天氣清閉戶北窗坐稍稍新月生客至
設碁局言忘遺世情盡日無王事白雲與蒼平

重午聯句

夏峯表奇雪天京候端陽寒襲宮羅輕瑞登水鏡光烏輪
麗北陸龍舟競南湘蠅虎逞王國蜥蜴嚴帝房事訛汗習
陋風烈墟壤剛擁貂繫絲絲飛鞭賭瓊漿帶重公莫舞簪
飄艾如張雁分列瑤席魚貫登紫廊白乳謝角黍青蒲截
鷺肪重離天門正習坎地軸方靈符瑩丹砂羽箭穿白楊
戀闕葵日傾懷家麥秋涼羹臯傳太官懸虎步天罡鳴噤
百王斂螽動九子昌截薛翠屏偃浩淼白海長扇藏婕妤好

泣標聳飛廉
怵紅苞當階
藥碧縷雕盤
香宮花金抹
額霞仗玉鏤
錫鈴催寶貼
進拍奏霓裳
揚舉鼎凝脂
膏載車寶餽
餽餽蒲萄激
濫瀉琵琶宛
轉傷蟾蜍未
乖驢駟裘難
藏伏日奩果
貢薰風鑑冰
洋瀛洲畏獨
往玉署思同
翔

裝馬曲

綵絲絡頭百寶裝
猩血入纓火齊光
錫鈴交驅八風轉
東西夾翼雙龍岡
伏日翠裘不知重
珠帽齊肩頭金鳳
絳闕蔥曠旭日初
逐電迴騰斗光動
寶刀羽箭鳴玲瓏
雁翅卻立朝重瞳
沈沈椽殿雲五色
法曲初奏歌薰風
酏官庭前列千斛
萬囊蒲萄疑紫玉
駝峯熊掌翠釜珍
碧實冰盤行陸續
須臾玉卮黃帕覆
寶訓傳宣爭頰首
黑河夜渡辛苦情
容集卷十五

情容集卷十五

三

直隸陸叢書

多畫戟雕闕總動
舊龍媒嘶風日將
暮宛轉琵琶前起
舞鳴鞭靜蹕官門
閉長跪齊聲呼萬
歲

嘉禾圖

土膏滲陽春連畛
垂黃雲仁聲九垓
被地瑞昭人文穰
穰大同郡嘉穗表
奇芬擢莖秀雙岐
駢首誓不分稔聯
珠琲光苞簇綬受
紋老農善視之神
化非耕耘維皇調
玉燭歲功合氤氳
帝力畎畝深擊壤
歌放勛圖成上金
匱寶軸森香芸侍
臣丹筆工秉心迷
前聞願旅天子命
補區追典墳

蘇武牧羊抱雛圖

寒氈蓄盡節旄稀
野曠風低短草肥
忽見嬋娟新月上
卻疑身似夢中歸

李仲賓墨竹圖

筆底元雲冰雪姿瀛洲玉佩映參差如何昔日閭中令晚
歲羞稱老畫師

開元恩長老以詩送北禪講師游上京末章見及
見余于灤陽次韻

乘槎親見玉繩流底用蒲萄與海榴紫塞接天星戴斗白
雲垂地水浮漚蠅頭可但窮三藏麈尾懸知又九州問訊
開元老禪伯詩瓢今向太湖浮

王澹游墨竹

陰陰密葉鐵鈎鎖淡淡疎柯水玉簪客向流離渾老盡臨
風題筆望江南

清容集卷十五

三

直隸堂叢書

次韻繼學竹枝宛轉詞

長年久客學吳儂應對嫦娥認妾容聞道秋來三十日雪
花飄處似淡冬

聞郎腰瘦寄當歸望盡天邊破鏡飛昨夜燈花圓似粟倚
門不甯送郎衣

宮羅疊雪撚金龍郎去香奩手自封還家貂裘綿百結教
妾今年兩度縫

年年河鼓度天津郎在灤陽見得真今夕定知郎到日桂

華浮魄滿香輪

約八月十
五日抵京

陳景仁都事以詩惠酒次韻

閉門擁膝絕知聞壞壁行蝸古篆文誰遣白衣傳剝啄新

詩如雪酒如雲

短髮滕冠似晉賢瀛洲獨坐思如泉明知白眼輕餘子客

至題詩視屋椽

贈翰林何生

殘月疎星送曉鐘伊吾聲徹爛燭雙瞳盛年事業須黃卷盡
日交游謝碧筒案上蟾蜍承夜露門前叱撥立秋風君家
居士多陰德佇看雞翹列殿中

嗣天師墨戲四絕

橫塘野色淡聳身對秋水守獨匪自夸感彼蜻蛉子
守雌氣之母見一道之宗配合貴有得丹光結芙蓉
二禽詎無知秋聲起天外蘆枝爲我旌蓮葉爲我蓋

清容集卷十五

三 宜稼堂叢書

萬籟日惻惻水花澹無蹤孤鴻招不來泛泛以自容

果老圖

御氣如嬰兒變化能成形再過趙州橋滅跡絕怪靈

清容居士集卷第十五

清容居士集卷第十六

元 袁 桷 撰

開平第四集

壬戌

至治二年三月甲戌改除翰林直學士四月乙丑出
健德門買小車臥行八日至開平舍于崇真宮有旨
道士免扈從宮中闕無人聲車駕五月中旬始至書
詔簡絕僅爲祝文十三道已入內制悲愉感發一寓於詩
而同院亦寡倡和率意爲題得一百篇閏五月上幸
五臺山以實錄未畢趣史院官屬咸還京是月丁巳
發癸亥還寓舍五月樂陽大寒閏月道中大暑觀是
詩者亦足知夫馳驅之爲勞隱逸之爲可慕也六月

清容集卷十六

直稼堂叢書

丁卯朔桷敘

端午日繇車中抵開平客中三度端陽愴然有懷
居庸昔日逢端午子規聲聲勸歸去舊歲灤陽萬壽宮九
節莒蒲泛瓊醕今年車中飽掀簸盲風北來雨如注沙坡
馬鬣高下迎土屋魚鱗先後附舊家松篁百尋碧蒼葡花
前石榴樹停車俛首不得語鄰牆簫聲雜駝鼓勞生得意
同蝸牛奮臂卻行等蠅虎

崇真宮闕無一人經宗師丹房惟蒲苗楊柳感舊

有作

雙斛青蒲苗中庭綠楊枝門鎖碧窗寂徘徊心不怡辛勤
四十載逢辰構崇基寒日淡無華朔風助之悲想此鸞鶴

侶長嘯悟成虧往昔玉局翁言罷白雲隨懷賢感夙昔悼
念成涕洟夜夢忽邂逅掀髯歌紫芝

閒閒真人未至

崇真觀裏獨徘徊門鎖蛛絲燕子猜元度來遲愁欲絕爲
憑白鶴寄書催

舊歲端陽與王吏部同客灤陽因成七言奉寄

舊年同飲端陽酒擊鉢聯詩日未斜我戴夫須重出塞君
飄躒躑獨畱家雪花帶雨催前馬草色連空趁後車萬里
功名頭竟白張騫何事苦乘槎

寓舍元卿舊住今歸龍虎山書壁言懷

明珩出海見奇姿價壓連城賈客知往歲曾爲大鵬賦今

清容集卷十六

二

宜稼堂叢書

秋且作小山詞黑頭好景傳杯樂白眼長年按劔疑君去
我來同此榻雁回何處寫相思

五月八日雨霰

黑雲轉飛蓋晴空落珠丸急響遞疎密跳跟杳無端仰視
烏輪光粲粲不可干陰晴界南北咫尺分寒暄鮫人有暗
淚乘陽湧冰瀾又疑天女下百琲隨輕紈采之不滿把瞬
息何彌漫東牆古楊枝含思碧雲寒畱取宛轉花伏日爲
君看

開平昔賢有詩片雲三尺雪一日四時天曲盡其
景遂用其語爲十詩

茫茫廣莫區屈曲層城建昔云水雲陂伐木嚴築鍵寒沙

雜軟草其下有冰片雙龍赴魏闕雲氣時隱見巍峩中天
居百里見行殿
唐皇極睿算憂邊罷從軍種松八百里擘畫疆理分立象
有定數後王策奇勳千車昂頭來萬竈生墨雲天險尙莫
恃人謀安足云
曉日出東門寒光靜相涵黑雲何方來玉妃爲之驂頃刻
變昏晝陰晴常日三宸居逼象緯熒煌斗司南世儒窘六
合鄒子成虛談
羲和當中街重裘慘顏色詢彼住冬人封戶雪踰尺松煙
暗疎箔羅坐圍丈席南鄰時相通北門恍未識冰天與火
井受地各有職

清容集卷十六

三

宜稼堂叢書

近山如雕鞍遠山如削鐵涓涓落黃流嗚咽恨未雪坡陀
下前坂颯爽萬境滅馬嘶不冝行沙寒草如苗氈廬時前
岡一一望初月

駕鵝帖雲飛下懼鷹眼疾空墟無鴉棲壞穴見鼠出楊枝
尙斂色吐絮朝伏日羌巴雜蠻獠異服狀非一風土諒不
同刪述在史筆

煌煌千賈區奇貨耀出日方言互欺詆粉澤變初質開張
通茗酪談笑合膠漆憶昔關市寬崇墉積如銓梯航際窮
髮均輸乃疎術

城南水沮洳飲之不盈七遠汲沙水甘客云汝縱恣客竟
遭河魚投以百金劑簞瓢乃真空飾情果爲累狙公解朝

暮不復計三四
亭亭芍藥枝朱明勝春時金蓮與墨菊兄弟相等推陽豔
深摧藏後秀真奇姿盛時匪自棄願與松柏期有客同爾
心臨風結長思
山冰鏡賦次公墓田
皎皎三伏日沈沈九秋天雷鳴過牀下月出在樹顛手持
五采筆直侍虛皇前大以書龜圖小以傳瑤編綸言廣聖
澤載歌千萬年

南望

急霰輕雷五月天
觥船手把趣裝綿
燕山南望十三驛
紅杏枝頭別有天

天鵝曲

清容集卷十六

四

宜稼堂叢書
三〇五九

天鵝頸瘦身重肥
夜宿官蕩羣成圍
蘆根噤噤水蒲滑翅
足蹙曳難輕飛
參差旋地數百尺
宛轉培風借雙翻
翻身入雲高帖天下
陋蓬蒿去無跡
五坊手擎海東青
側眼光透瑤臺層解條
脫帽窮碧落以掌疾
搗東西傾離披交旋
百尋袞蒼鷹助擊
隨勢遠初如風輪舞
長竿末若銀毳下
平坂蓬頭喘息來
獻官天顏一笑催
傳餐不如家雞柵
下生死守免使羽
林春秋水邊走

李老峪山水溪類先公墓田左右悠然白雲之思

積翠發層巒恍然家山圖陰竇水屈曲古樹雲扶疎是時
月新出歸雁飛躊躇疑我久離鄉問我今何如云昔所種
松靈籟吹笙竽總角守庭訓六籍師鴻儒幸以鉛槧勤三

入承明廬風景果有似舉目諒不殊信美非我土誓言敢終渝

偶成

午雷嬰兒聲晚月大士面頃刻備四時陰晴足千變空齋襲重裘塵壁委團扇昔爲居養移今愧筋骸倦

鼇峯石

劫風吹沫孕玲瓏度海鞭霆駕六龍聲合八音驚俗耳重均九鼎動天容空庭露冷珠璣綻阿閣雲開錦繡封匝金蓮隨地擁似催夜直佩瓏瑤

石下皆金蓮花

子規詞三首

不如歸去君家南山松萬樹我欲送君歸憐汝歲上灤陽路

清容集卷十六

五

五稼堂叢書

去不如歸江南春淡箴蕨肥箴蕨肥子苦飢見子手持一片冰下馬坐看白雲飛

歸去不如我是蜀王魄化聲呱呱君不歸請看錢塘雪浪千尺帆踏歌起舞去復還

盧彥威與余同爲待制下世已八年覲行院題名

舊跡感愴寫情

長髯黑髮佩鳴珂嗜飲常持金叵羅詩豔欲追長吉製詞新淡愛小蠻歌鳳池舊情偏重鸞鏡重粧病已魔

彥威再醮

病以終一日卽題壁淒涼悲二妙元公近亦葬山阿

元復初學士舊或同官集賢會于上都改除翰林

學士見其飲酒數十觥倍常時今年以疾卒不起
觀行院題壁爲四韻以挽

慷慨論交二十年
淡慙經術荷推先
龜趺林立毛雖禿
麟筆星垂汗簡傳
直以曠懷招側目
可於凡品說齊肩
舊聞蘇李曾生別
行院重來倍泫然

潘景梁學士同在集賢朝夕與余論宏詞源委後
俱罷去新政肇更皆得復入舊歲同會上都景梁
還都不一月下世僕忝入翰林過視草堂有感

蠻坡清切平生志
粉省烏臺謝不能
嘗除尚書行臺侍御
皆不樂意在承旨
夜別蘭鐙書葉亂
凍呵鐵硯墨花凝
蟻穿丸曲誰傳授
蛸化枯枝果變騰
欲說元機吾豈敢
碧天雲黯喚難應

清容集卷十六
六
宜稼堂叢書
客舍書事八首

客景真愁絕
淒涼倍舊年
草穿沙背縮
雲住屋頭偏
竈冷廚煙溼
窗低簷雷懸
畏寒難出戶
盡日得高眠

日永空庭淨
清齋罷煮茶
無羊誰聞市
有客共思家
巷近逢歸馬
門閒數過車
衰年行六十
那得老風沙
愁極吟肩聳
塵淡望眼迷
屋隨冰上下
山趁雪高低
乾酪瓶爭挈
生鹽斗可提
日斜看不足
蹋舞共扶攜

蟾影穿窗蠹
龍光拂席流
淒清三伏暑
浙瀝九天秋
水惡停泥井
冰堅宿瓦溝
年年游上國
那識望鄉愁

問俗過閭里
淒涼說住冬
凍瓶粘在手
暖扇縛當胷
雪急籬條響
風高檣柁鬆
寒更傳警夜
飛騎急憶憧

禁堞防危石官衢漾淺沙犬能撥兔窟馬解避馳車童剪
青蔬甲僧分墨菊芽飄零堪慰藉小雨墊烏紗
宿霧成疎雨寒蓬捲細塵雲飛疑到地草長不知春香几
蜂喧密寒房燕語真白頭關塞外猶作未歸人
燈影微微焰鍾聲隱隱清歸鴻天際度去騎月邊行久客
心無着微醺夢易成攬衣中夜起北斗正南橫

視草堂四詠

視草堂前月淒清十倍秋銀河斜處響玉斧暗中脩隱約
娑羅見微茫顧菟流霓裳端可補願人廣寒游

視草堂前雪飛花具四時老疑潘鬢重舞覺沈腰羸妙合
絲綸巧功調鼎籥奇虛皇瞻咫尺願賦玉京詩

清容集卷十六

七

宜稼堂叢書

視草堂前雨飛空萬象新隨龍下膏澤滌潁布陽春霖霖
能生物霑濡不受塵巫山空有賦難作楚王臣

視草堂前日傳宣趣制詞藁裁初刻上朝罷八磚移烏御
行黃道龍光暎玉墀薰風生殿閣小立獨多時

華嚴寺

寶構熒煌接帝青行營列峙火晶熒運斤巧闢攢千柱相
杵歌長築萬釘殿基水泉湧沸以木釘萬枚築之其費鉅萬雲擁殿心團寶蓋
風翻簷角響金鈴喻知帝力超前古側布端能動地靈

贈華嚴長老二首

四年以上國扈金輿燕處高齋得起予篋寶寸珠光不老爐
存片雪色相如抱琴有意傳流水擊拂無言指太虛二十

里松親見得塔中古佛白毫舒華嚴洞下宗常游四明太白禮宏智塔宏智相傳古佛再世

丈室蕭蕭晝掩屏蒲團不下得忘機堦前菊本先春種門外楊花伏日飛句落珠璣禪客誦象嚴金碧梵王威知余猶是青山伴話盡斜陽指翠微

書邢遵道二父家傳

蜚聲秀采動時賢書帙如山酒似泉已恨人間雙壁化共誇身後一夔傳藥囊有底陰功滿詩卷相輝盛事全曾見門楣成晚秀瀛洲委佩接羣仙

贈寫真佟生

丹青妍醜世間形碧眼看天畫未成夢覺已傳商相似神閒能寫趙郎情沙場燕領愁中樂客舍鳶肩暗裏驚彩筆閱人頭漸白長因眸子識公卿

贈李道士

高安李道士貨藥繞灤城竹杖常隨手茶甌與解醒住冬饒活計聽兩話平生欲說前朝事年深記不成

行路難五首

桑乾嶺上十八盤赫日東出紅團團迴頭平田樹如髮北去沙石何彌漫青帘高低知客倦勸汝一杯下前坂馬蹄護鐵聲琮琤帖石朱欄列危棧度嶺林昏泊官驛冰湧虛泥踰五尺馬行猶知泥淺深重車沒蹀路莫尋

松林巨木官採撿千斧斫根膏液流翠旄離披仆巨壑百

谷震動狐狼愁大車以載牛馬喘厯塹淩澗不能挽車頭
控紙齊聲呼一步一移日將晚經春踰夏來京都雕梁繡
柱天人居錦茵花磚淺淡護歲久不知行路苦

昔聞萬迴僧空中轉足如飛鷹又聞麥八百側徑迴旋去
無跡牙牌校尉夸快行急裝一日來京城人言脛中有肉
燕籥雲躡電那能名古云行路難今作等閒看君不見明
王坐朝疲心思日行天下人不知

金谷園頭土如酥瓊花琪樹凝流蘇文鴛發磚藻影動飛
鳳團礎雲光腴紫絲步障三十里百和生香交旖旎美人
羅襪不動塵匝匝金蓮隨步起須臾急騎圍四隅瞬息突
兀生寒蕪綠珠危樓百尺墜行路之難卻成易

清容集卷十六

九

宜豫堂叢書

弊裘蒙茸蘇季子兩足重趼行不已一朝佩印何纍纍列
鼎腥羶夸國士班生遠出玉門關被甲夜度隨黃間飛沙
擊面燕頰失晚望落日思生還書生守株燈火勤終歲不
通南北鄰一朝安車入關內老不能言願求退

賣薪行

老兵縛薪穿市賣雙手如龜布衣壞低頭望日南階行背
負槎牙北風殺大車輪困小車聚我薪不如一杯土黃公
壚前煙霧高揮手相譏不相顧暮歸置薪眠土屋望月清
歌聲斷續丈夫窮達會有時買臣懷章人始奇

視草堂歲久傾圮述懷二首

視草堂前草木青微臣三入鬢星星壞牆雨透蝸生角舊

竈泥淡菌露釘淡恐雨鐘催曉箭獨聽寒殿響風鈴堂堂
諸老冰漸盡病叟應歸種茯苓

昔時壽俊佩蹠蹏人物於今似眇然倚馬誰憐才獨步層
龍端信技無全頌冰伏日金奩重賜果薰風綺席鮮可是
虛皇疏顧問玉堂舊事少人傳

翰林故事莫盛於唐宋聊述舊聞擬宮詞十首

禁鐘初動趣傳宣衣袖薰香到御前漸近宮門扶下馬內
官分引導金蓮

御筆圓封草相麻龍牋香透擁金花儀鸞勅設庭前候賜
酒方終更賜茶

制草塗鴉未敢刪內璫宣引侍龍顏已分筆格金蟾滴更

清宮集卷十六

十

宜祿堂叢書

賜端溪紫硯山

春帖分裁閣分多宮娥爭餽纈綉羅青絲菜併銀盤送幡
勝新題墨旋磨

文思如泉涌墨林屏風院吏不須尋舊時內相諸孫在猶
有當年掃閣金

入院聽宣席未溫賜金已向案頭存

故事入院傳旨畢賜葉金十兩始草制

清晨上馬還家去內出黃麻付閣門

清醲香溫酒玉脂祝文已撰報都知夜來奉旨傳丞相五
朶雲濃押省咨

天孫夜度玉潢清內托銀盤湧化生秋思未多團扇在擬

題宮怨月分明

盤鵬暈錦是冬衣。鴿炭初生酒力微。聞道邊臣風雪苦，口
宣鴈藥布皇威。

贊書膽副節樓前。筐篋盈庭邸吏傳。淡恨葫蘆陶學士，受

渠犀玉索金錢。

書懷

曉來重續避風簷。午着輕羅更上簾。可是炎涼隨世態，病
多時節要抽添。

五月二十日廿雨如注江南呼爲分龍雨

平疇龜拆禱龍君。百頃青黃兩界分。匪岸已霑三尺雨，隔
溪唯見一川雲。誰家襤襪涼如水，此地祇禡火欲焚共道
神功有南北。老農元不廢耕耘。

清容集卷十六

十一

宜稼堂叢書

五月廿六日大寒二十二韻

地界幽都正。風傳委羽來。陰機堅積。互空竅起。荒埃炎帝
辭施設。神擅展裁。氣疑翻溟。滓勢欲壓恢。台北戶嚴雲
結。中街宿霧。霾睫流驚炙。轂吻咽訝銜。枚野曠狐歸。穴林
荒雀下。臺趁虛人瑟縮。走驛吏徘徊。舊篋裘頻索。殘爐火
易灰。當陽紈扇棄。薄暮酒尊催。牛喘猶瞻月。龍藏敢挾雷。
曉吟肩峭直。午睡髮毵毵。絺綌聊增襲。簾帷莫浪開。鼎溫
延上客。竈煬集羣孩。鳥認南枝宿。駝鳴北路回。次寥河漢
接。慘澹雪霜堆。重甲身僵仆。銖衣說詭該。已知鄒子的。更
覺杜生哀。澤國朝曦赫。畚田潯雨催。鴻鈞陶石爍。金鑑煮
冰摧。舊俗慙卑窘。新聞騁博該。廣寒今已到。姑射不須陪。

御天門聽詔
大樂出端門金龍日正
瞰千官齊跪聽萬姓
列行屯親衛
周廬列王徭尺籍存
侍臣頭已白宣室願
陳論

空庭露立意茫然簇簇
飛雲萬馬旋擬變清涼
成佛國不
教人喚四時天

喜吳宗師至

飛鶴馭空來春濃洞府
開燈光爭夜月磬韻起
春雷玉斗
朝雲禮金門就日回的
知仙桂種玉斧更浹培

食杏有感

筠籠賜杏得嘗新一一
如拳醉臉勻準擬重尋
舊門館空

庭繫馬燕飛巡

清容集卷十六

十一

直稼堂叢書

寄王繼學吏部

青春王吏部東閣久相陪
聽雪聯詩送看花竝轡迴
如何
千里別不寄一書來拂拭
題名記淡知吐鳳才

皇城曲

堂堂瞿曇生王宮幼年夙
悟它心通梵書未覩口已
誦底
用城闕窮西東淨居老人
幻境異故作恐怖生愁容
世間
習妄了莫喻要以神化開
盲聾歲時相仍作游事皇
城集
隊喧幢幢吹螺擊鼓雜部
伎千優百戲羣追從寶車
瑰奇
耀晴日舞馬裝轡搖玲瓏
紅衣飄裾火山聳自傘撐
空雲
葉叢王官跪酒頭叩地朱
輪獨坐顏酡烘蚩氓聚觀
汗揮

兩士女簇坐昏搖風人生有身要有患百歲會盡顏誰童
西方之國道里通至今生老病死與世同

天童山圓上人遠來開平訪華嚴以舊詩求題

三尺枯藤一卷詩五千里外訪相知鄉音未改眉毛在曉
過嶺西聞子規

手接驪珠顆顆圓清如秋月獨當天舊棹太白寒禁得更
上開平擬過年

題信上人手書

南湖涼觀碧芙蓉屢見臨池曉日初一去天台隔生死重
來應寫梵天書

客舍四詠

清容集卷十六

七

宜稼堂叢書

孤雲

膚寸出巖遲亭亭大雅姿肯因風共去獨與月相隨似絮
飛無着如山立不移崑岡有片玉歲晚話澗期

孤燈

寒餓出房微前山尙落暉酒醒光耿耿鍾定影依依蜨夢
疑方化螢流竟不飛廿年長作客獨照合元機

孤雁

舊日江湖伴多因塞北分身單追暮雨翼冷帖秋雲肯向
蘆邊宿還應枕上聞沙洲增繳滿不是故離羣

孤鶴

絕頂看秋月星沈萬象奇難隨黃鶴侶獨與白雲期野性

便金洞清聲徹玉墀山中王子過時一聽參差

次韻園上人

大荒沙漠境全真平楚天低絕見聞此處無愁誰會得琵琶一曲問昭君

風入其賦詩前篇題大青小

我家鄞水望江神君住鄞山半嶺雲同向天漚作行客定

知猿鶴有移文

萬解千言任所之一花五葉總牟尼九龍峯鎖難分別會

見芙蓉長玉池

次韻華嚴賀李彥方除監察御史

秀采寒光敵楚金詞鋒能繼九州箴鳳池舊直驚人海鳥

府新除表士林氈紹家聲真素業簡膳民瘼是丹心華嚴

清容集卷十六

古

直隸堂藏書

蓮社相期遠應許遺民得共尋

彭法師禱雨有感

神京歲歲春夏交乾風捲塵喧四郊銀潢清寒不可挽火

礫燥露焚烏巢廟堂憂惶走羣望桂酒跪憑陳牲殺飛雲

虛無恣強魘古澗偃蹇專幽蛟拾蜴旋舞破甕缶髣龍作

形糜藁菱或夸巫言擊長劍或騁梵語鳴銅鏡老彭之孫

赤松派尸坐直欲鴻濛包滌知天水本一炁山澤妙感窮

羲爻三元上章給鳳札九淵投簡驚蛟縮大青小青各受

令旋轉急注撥巖坳初疑飛繒蔽雲頂恍若銀竹穿林梢

鳥衝沈冥舊栖失虎度泥淖前林咆迺知至道在瓦礫芒

刃不缺須哀庖皇皇真宰燭萬類神運溥博民同胞前驅

招搖後元武朱冠鐵騎森旄旛精誠相通顏咫尺聾瞽未
識徒譏嘲白頭太史詎妄記願以彩筆窮模描

近爲盧真人作桐柏山賦以舊賢四詠復令賦詩

次韻

雙闕高躔仙境分
溪畱絕頂獨耕耘
雞啼流水村非遠
犬吠隔溪人始聞
翠蔓滿林俱上藥
黃雲封戶總回文
層霄笙鶴須臾見
不用談空李少君

王子乘鸞八極周
參差吹徹此淹畱
綠山未信雙輪遠
滄海端如一羽浮
碑聳蛟螭擎雨露
賦鏗金石閱春秋
莫言劉阮歸無跡
政與寒巖二子游

遠瞰神山接海潮
羣峯匝匝翠周遭
漆書舊字開蒼蘚
金鼎寒光映碧桃
瀑濺花香疑過雨
風回松吹似驚濤
昔年曾說王靈寶
冷笑人間有二毛

清容集卷十六

五

五且稼堂叢書

雷起平田過雨腥
居民猶說老龍靈
泉流洞口凝鍾乳
月落松間照茯苓
琴罷忽驚人換世
丹成溪勸客延齡
仙翁久作朝元客
羸得瑤壇滿鶴翎

再次韻

門首穹碑字八分
寸田尺宅勸鋤耘
雲歸古洞疑無着
雷過前山似不聞
磨石旋風空世劫
校溪織水起寒紋
年年秋月層臺上
髣髴虛無下帝君

堂堂王子憫宗周
不住緱山此地畱
玉髓定將金匱貯
滄波能使羽觴浮
絳桃帶雨飄紅雪
翠樹停雲起素秋
絕頂

銀盤宮闕爛不須更向紫霄游

夾山松瀑似秋潮老鶴調雛日一遭欲與雙成同勸酒卻

嫌方朔強偷桃草沿碧澗千年藥雪釋瓊城百尺濤聞道

玉蟾三度到通明金骨舊皮毛

玉蟾或云在羅浮未化

久食青精厭世腥無心折草總通靈望雲岸幘招歸鶴滴

露濡毫傳負苓峯頂丹成真丸轉洞中棊罷已千齡嗟余

猶是征塗客四上開平數雁翎

上上人游開平回四明

圓帽方袍上上京看山碧眼雪分明南來白雁先秋去我

輩無情合有情

成君輔廣濟堂

清容集卷十六

去

宜稼堂叢書

車馬填門日不停刀圭上藥已通靈應須重作鐵門限坐

見堯民壽百齡

內宴二首

寶勒猩纓雁翅屯錫鑿款款奏南薰珠冠聳翠千行列雉

扇交鸞五采分宮漏解畱黃道日御爐能接紫霄雲漢家

天子空英武置酒爭功始考文

櫻殿沈沈曉日清靜鞭初徹四無聲荆官玉乳千車送酒

正瓊漿萬甕行何以馳峯專北饌不須瑤柱詫南烹先皇

雄略畱諸夏擬勝周家宴鎬京

伏日

伏日車中閉炎蒸不自由轉旋疑病酒掀簸似驚舟山色

隨眸轉溪聲着耳流艱難吾敢讓猿鶴故山秋

龍門

君恩八度過龍門眼見蜿蜒守黑雲漠漠沙田荒礫滿空
將霖雨一溪分

巨靈何日擘雙門千古英雄底死論落日碎金寒澗裏銷
磨猶是僕姑娘

戲題開平四集

開平四集詩百首不是故歌行路難竹簟暑風茅屋下它
年擬作畫圖看

奉題開平百首詩後

王士熙

玉海雲生貝闕高騎鯨人去採芝遶灤江一夕秋風到瑟

清容集卷十六

七

宜稼堂叢書

瑟珊瑚湧翠濤

高麗識人佳氣之靈野江一及海風底

奉題開平百首詩後

王士熙

平銜外畫圖看

開平四集詩百首不是故歌行路難竹簟暑風茅屋下它

奉題開平四集

銀幣長對故鄉

初稿

巨靈何日擘雙門千古英雄底死論落日碎金寒澗裏銷

磨猶是一溪分

玉海雲生貝闕高騎鯨人去採芝遶灤江一夕秋風到瑟

龍門

清容居士集卷第十六

清容居士集卷第十七

元 袁 桷 撰

贊

劉敏叔畫八君子圖贊

五季橫潰萬姓阻傷剗舊布新赫日蕩光變通維時君臣
爾詳丕顯韓王應運斯翔佐帝立極肇服眾國銷兵弛財
邦本茂植獨相十年黎獻安謐弼違雍容不撓厥色百王
肆妖喬嶽漂搖智淡如谷終止且消金滕天開軒冕以朝
簡在帝心王勳日昭燕尾之眉貫玉之姿炳靈丹青庶或
類之

右韓王

清容集卷十七

一

宜豫堂叢書

堂堂魏王龍章鳳質天實生之以佐王室射策玉墀慶雲
耀日中外踐更執德惟一西陲釋騷將弛卒驕往綏爾戎
薄陳武韜濯以清泉釋其煎熬入秉國鈞眾味畢調不懼
不渝迄康皇圖取日虞淵登于天衢朝野罔知繫王明謨
危疑之際以身調娛兩宮熙熙萬姓于子桓圭赤舄清廟
配食於鑠厥動千古罔極

右魏王

赫赫路公不震不動威以服戎寬以濟眾宏淵雅譽磅礴
肆著蚤年登庸具正百度貝盜斯與命公于征振旅霆發
不日以平國財未殫抗議省兵數需抑貪朝廷清明以德
報怨以爵爲勸強虜效貢卻立改觀名倡九牧進善無倦

四朝師臣那家之珍委蛇兩河如松如椿燕頤淳厖給背
輪囷何以此之永古蔑聞

右潞公

儒以稽古酌時斯正用非所宜祗益其病在漢懿侯治守
清淨惟爾荆公行修于躬耽精古籍慨想遐風懷寶陸沈
患莫已逢激而翹之以達天聰高配五帝羞視七制廷議
籍籍斷以辯毅復古之志與帝俱銳發政累名公是喪朋
晚歸鍾陵惘兮慎兢蹇驢空山悟彼愛憎矯矯貞姿涅而
不緇吾將疇依爲學是師

右荆公

帝宇永清文治斯舉取青媿白眩巧鬪嫵末派橫流獨手

清容集卷十七

二

宜稼堂叢書

莫禦弊極斯反誰受天祐篤生歐公鴻碩之宗鼓以雷霆
驅以雨風如日之明如川之東肇正古始四方攸同獎善
矻矻英俊滿席彼有未至憂見于色補袞之功其繩則直
以退爲完以佚爲安高風邈如審象以觀

右歐公

任當其誼三禩無畏用不展志好爵斯避允顯溫公爲世
張弛執中秉德享帝活國熙豐紛紜朝有姦慝歸臥洛師
纂緝載籍元祐之初大矢厥謨稂莠旣泯百穀未敷畀成
于天力疾以除佐佑王室公心如日獨樂之園以迂自佚
生無榮養歿有餘泣澣衣幅巾天骨嶙峋中有至道不以
示人唯誠與敬千載如新

右溫公

岷峩之山扶輿網緼誕育至英絕類離羣溢爲江河乘爲
風雲高絕俊穎揆蹟炳文承明邇英純思運精騁轡以行
華夷是驚蹇蹇匪躬上通帝靈才以貶官謗以長名播遷
傲荒百虐寇攘繕性養神彌介彌剛盤桓南歸百神從行
誰謂巨浸一葦以航瞻彼德容春陽秋霜爛然方瞳如矚
初生切雲峩峩野服蒼蒼往代莫從鑒茲耿光

右蘇公

云云脩水誕宏文明維太史氏穎敏之功由彼岐嶷揚譽
上京服襲瑰瑋綜覈文藝剖析幽翳謝鮑前驅屈宋擁筆
元言逍遙夙昔超詣正宗江西斂衽嗣裔廁身著庭正氣
果毅筆者未成削者已繼秉畀濁流孰怨孰尤不怛其化
心君天游精神滿腹瞻望不足烝烝孝友猶在眉目清塵
高風曷其有終

右黃太史

祝道士龍贊

靈碎碎三五一視若存水神立元爲光高原粒天門開靈
受秩

墨竹贊二首

墨以韜智元以御柔渟焉雲與脫兮稟秋寥寥天標下爲
岩巖執茲混淪留三爾超

乘剛庸升實志勿驚比焉彙亨烝徒繩繩纏者如偃若佩

而組墨卿司元膽汝于堵

子昂集賢真贊

審中聲以比磬箭之音證陸簡以啟載籍之蘊承明三入而不居江海一塵而無愠遺世而淡憂盡言而寡尤環璋萬物金石橫流敷文太微慶雲瑞芝超然巖壑寄於筆翰者吾猶以爲杜德機也

張廣微金書陰符經贊

遐哉古帝握契眇綿沌沌混混超天地先執靜御動茲爲坤乾虛九藏一書圖毀鈴範圍包絡佐理密堅氣母受要納息以傳泥金著文其睡元元鋒淬穎脫乘雲大圓

雲中龍贊

清容集卷十七

四

宜稼堂叢書

握元機騰八荒愴雲中闇以彰九九合下土光返珠淵終智藏

龍贊

御乾入坤萬靈嫫姚止水飛立迴旋上朝神后布令蘊陸默逃功成返淵重元以韜

又

元雲噓氣爲母騰靈湫匿星斗握以機數九九百穀

有

太上授經圖贊

混元希夷空洞眇綿方圍緯經言孰可宣憫彼世醜述元五千紫雲升空重席九筵跪坐受聽萬神參前研幾察微

如珠善淵德爲之初道迺自然

辛稼軒畫像贊

妖雛殂江八方沸騰手提模糊仗義南興闖越荆湘是鎮
是繩智名勇功蔑如浮雲讒屢尼之耳若不聞聲裂金石
湛厥心君運有南北孰言一之時有未完矢詞室之卒全
其歸莫能躡之帶湖維居喬木鬱新目光背甲佩兮振振
審象式瞻宛其不泯

仁廟御書除官贊

於赫仁考御龍中天追琢王度左右惟賢思索俊髦嘉量
達權稽古九官匪曰敘遷嚴嚴秩宗維直且清佐理大政
宰士是程皇畿膺穰具瞻靡輕率彼緇流出納糾繩八柄
馭臣首爵以貴或超或常執管淵思昭哉雲章銖黍奠置
勿私以恩不悅其媚番番老臣卒秉國鈞山立陽明如歲
之春帝賓于天執簡涕淪虹光徹楹萬億日新

至治丞相眞贊

以元勳開國之孫佐大明麗天之主肩一德以正人心集
眾思以清庶務玉絜而彌溫山立而有度審象以觀斯爲
太平之宰輔

又

階符耀騰河嶽炳靈寔生上相秉鈞以成儼兮德容衮衣
葱衡山立其威玉絜其清陟降帝所翼翼是承帝曰相賢
佐我治平雲龍從類鼎鉉利貞懋昭顯功象于丹青於赫

寶璽虹光爛明用水厥藏詔爾雲仍

英廟御書開經偈贊

時爲皇太子

日升咸池五采耀騰昭徹水源濁垢斯澄維彼寸穎執一貫萬鉅纖受形莫測其變驪珠陸離光被寰海允符龍圖昭示億載

自贊

幼承父師之準繩壯緝文獻之淵懿守先天之中爲初心究三聖之易爲一致氣弱而詞愈卑學疏而用益疑寥寥兩京耳受目接者不能紹傳吁何可言

王承旨畫像贊

於赫乾運天造者武肇敏王公案飭皇度越于江濤率圖

清容集卷十七

六

宜稼堂叢書

籍以朝秉直在庭不激不雕矢辭瓊琚風舒霰消益之以甘雨濯其嘉苗佐理髦思敷繹靜規民甫息瘵勿煩以疵懿德云云如山出雲有聞無聲爰澤後昆珮玉峩冠審象是傳之問之美百世弗諼

王叔能真贊

心清而行全守廉而益堅不汲汲於利達專上壑以自完若是者五采不能以傳至若烟烟方瞳藹然孝悌之實發于粹容人知其爲臺閣之秀彥蘊經綸而猶未盡其用者也

自贊

誦文詞而三直承明之廬拙騎射而五游朔漠之域居安

以窮犧爻之變比事以糾麟經之釋至於見幾歸田服恬
淡而守貞白識者謂爲知止而獨慊然猶以爲有形迹也
馬元帥真贊

養恬而智無遺息機而事能應贊黃閣弗居其功坐烏臺
獨守其正制變於劇郡若郢人之斤鎮戎於大藩若秦王
之鏡服芝朮以養年將見安車造朝守規隨而樂清淨也

瑞檜贊

老子之道以恬泊真靜爲根本而其嚴靚清密非窮
極壯偉不足以爲榮觀故所至丹雘土木與浮屠氏
相埒殊庭廣寬候靈旂於致祠之際尤加嚴焉四明

元妙觀構寶殿倣南城之長春法式具備主者呂法

清容集卷十七

七

宜稼堂叢書

師顧瞻中唐作而曰茲不可不加竦肅手植蒼檜列
若幢節厥土墳剛風潤雨濡膏脈日起旁達蒼鬱連
累相承泰定三年春正月中澣上聳結爲鳳冠觀者
林立考諸釋檜者曰乍檜乍柏一枝而能屢變唯檜
爲然觀是則知釋者之非妄矣或曰厥今聖天子嗣
位厯更上元洋洋乎盛德覆被動植疊瑞重休四方
承畏不敢以獻以告而祝釐儲祉道家者流有所不
得辭讓迺繪爲圖以光天之休爲之贊曰

繫檜在廷三光炳靈膏涵于膚湛其晶煒化爲鳳雛珥冠
儀刑乘風鞭雷上于帝青曰有德者祥茲爲利貞爰祝萬

壽九垓永寧

雷氏龍吟琴贊

爲閑思齊作

四田八日用疑於神攫之也。淡養之也。淳風生於木。莫窮其聲。比物引類。錫茲嘉名。杳杳變化。雲升雨澍。戛如銅盤。茲其爲作者之助。

吳閒閒眞贊

德不形禮爲翼。熙熙沖靜之神。侃侃孝友之色。籠古絡今。其詞知雲佐理。以無爲智淵。而若存朝承袞。龍暮撫松鶴。心徹九九。坐石盤礴。是所謂養其尺宅守元。以生白者耶。

仰山熙禪師眞贊

蜀僧曇簡以文詞振林下。繇是東南學者翕然師之。

育王觀禪師才辯繼其學。弟子熙公復繼之。有詩名。

清容集卷十七

八

宜稼堂叢書

鳴咸淳間。試嘉慶圖詩禁。中定爲第一。余獲見于淨。

慈植節刻行言語。若冰雪。欲以蜀學廣其徒。後歸隱。

仰山以逝。其嗣隆教師祖瑛。以遺象從海上。請余贊。

迺爲贊曰

心之精神。繇言以宣。匪事琢雕。合於自然。維師集思泉湧。雲溢億萬。森列復貫。以一蜀學日淪。志士是惜。瞻彼肅容。以楷以式。

南湖入法師眞贊

目穿書林。心超義海。體用不違。功斯十倍。審多岐之凶羊。悟忘筌以得魚。追琢其詞。不浮不蕪。外嚴內熙。蕭然野鶴之姿。斯其成祖庭之羽翼。絕塵世之樞機。

定水源禪師真贊

持律以攝心習教以騁辯語默兩忘微旨益闡薄飯一盂
福不稱其德至於據席握機颺回電激誠禪林之準式也
雪厓吳法師真贊

贊

雪厓吳法師飭身制行道流所尊企弟子呂虛夷請

長齋以養年持敬以籲天若雞抱穀如珠守淵望之山林
卽之珪璋知止葆靜合太古之淳龐夫如是逍遙乎白雲
之鄉

箴

存悔箴

清容集卷十七

九

宜稼堂叢書

天君亭亭巖石永貞執樞維機莫我敢膺鈎聲割名如蠶
如螟微焉髮毛戰兢是承謂善實繇小而過不在大雷以
鼓之良以配之合動而復繇靜斯會昔顏氏子悔實莫可
名筮人司著敢告司局

遵誨堂箴

肅肅祖父誦戒孔昭直惟矩衡匪矜匪恂式瞻里門養真
簞瓢何棖題岌業肆其夸驕金糜玉毀迄用不紹巷有居
人燕明曾髻右觴左饌以遊以遨何白首高位顧影號咷
伊堂旣深亦具室奧偃躬徐行慨焉焄蒿戶冊崇崇陟降
以悚於乎後生勿夢夢是從爰釋具訓敢告嗣宗

貞一齋箴

昭哉森著鉅纖受形順天之樞執動以承尸居者誰不震
不隨謂珠藏於淵主靜是師太虛無體曷思曷爲聚爲物
均散爲返真由感以遷若火之燎原在昔夸父逐日走偃
鑿觀河圖繇是成數成復捨之厥數愈具庶物漫漫若冰
斯泮固而斯應迺事之幹絕仁棄智望道彌渙必寂爾心
必完爾神筮人司易敢告靈君

誠求堂箴

肫肫者仁婉婉者孺彼孺不言容動斯具以食爲喜以啼
爲怒感匪物遷孰司昭先黜思絕爲迄全其天揣知者誕
矢激滋遠順陰保陽若執玉以裸太素烟燼至靜無垠見
之猶龍望之如雲猗儒守醫曰曾氏子言邁于京戶冊是

清容集卷十七

十

宜祿堂叢書

三九十一

視

銘

復庵銘

弁陽老人周公謹父卜終老之丘於先中丞公墓左
築室其上揭名曰復庵謂其故人子袁桷曰復反也
反諸其本也聖人作易之義淡矣余取斯名也厥有
旨昔太公表東諸侯歸葬於營丘禮以謂不忌其本
余家故齊人雖南徙吳興而其遺禮三世猶守之自
余失仕居錢塘非有酣豢之樂而忘其歸不幸而不
得歸者勢也今老矣苟終無所歸則於復之道奚取
抑嘗推死生晝夜之理其變無窮反身而觀虛一而

明者物莫能禦則茲丘之樂殆與造物者去來而莫窮其所止也子爲我暢繹而銘之銘曰

大明麗天隱於崑崙晦冥有時以全其根海氣騰溢爲雲爲澤吐奇滋生復反故壑嗟彼昏氓睢睢涼涼齒髮日化莫知其鄉馳車羊腸倒戈蟻垤少夸老衰運往一跌維子周子心君天游顧瞻松柏肇謀菟裘峯迴泉淙虎伏馬立鬱爲斯丘不龜以吉煌煌先德如珠在淵旣揚其輝終闕其妍盤桓斯丘豈不念歸三返晝夜以爲德機伊復之道其微如苴磅礴一氣變化以彰原本稽中是則是象謹獨內觀動靜交養他年逍遙駕風御雲匯爲江河炳爲星辰其來無趾其去孰止爲善是嗣貽于孫子

清容集卷十七

十一

宜稼堂議書

君子齋銘

大裘無華完玉不琢飾美自將其實愈落善不可爲名不可近恕以養仁敬以崇謹謂我獨賢於德彌損八表同雲一決終償謂世實賢睢盱孔憐肥遯斯恥卻行乃前人我之道弭節兩忘汝不我瑕我不汝望煌煌嘉名揭茲戶冊希賢是求揆蘊觀蹟盤旋九州俯仰千古發劓淬鋒門轍戶履君子之泰君子之和永言銘之以宴以歌

澄心齋銘

大梁劉君彥清佐鄞幕清淨畫一希蓋公之道逾月而治愈簡及朞而人莫能議噫使佐天下由是道也果何病今世汨汨然外治者多矣神明粹精交蔽而

愈失其於內也蓋不暇夫虛明之體絕慮而求者非
正或者謂老氏之說近此因屏不復取今劉君以澄
心名齋動靜交用有合於聖人之說四明袁桷因銘
以廣之

存神內觀形不能以久完刻意外治氣由是而彌衰水煩
土做維物之災人爲物靈其道安在內不可穢外不可悖
湛然長存於物何類故操尺寸之智者成尋丈之失勤錙
銖之功者獲倍蓰之益御天地之一氣持陰陽之兩端吾
見其清而不介絜而自全也

雪房銘

錢塘孫道士構雪爲房居江南度不能久得北如京

清容集卷十七

三

宜豫堂叢書

師將遂焉久之復越居庸以游始固有之迺屬袁桷

銘銘曰

養絜沮洳其變莫渝納明屋漏其神莫究執天之宜允成
德機機可轉不可緩緩則懼懼無以據窮髮之北以儀以
則爰謹視之毋怠毋慝

崇真觀鐘銘

冶吉金構坎離爲氣用震以時濇則安安迺旋鎮無極億

萬年

朝陽堂銘

焯彼曜靈光融曲阿翼翼元黃絜其鬱華究觀厥功構精
沈淵若擊斯伏若珠斯潛內陰以藏外遲以進舍施無垠

執斗憲運眾瞻嘉明企而則諸言升于岱昏旦允殊丹流
金騰下土若昧竦心惕思怠曷可悔嗟哉夸父競不救陽
大聖維姬慎茲明發爰興爰處寸測短長少耄勿荒永儀
朝陽

藏書室銘

六學鴻烈代天昭明精思纂微辭以立誠匪事於言不文
奚宣析理日繁直致衍傳謂默足以通絕其知聞敬焉孰
持誠焉孰存趙郡氏蘇崇其書楹竒抉雲章緯經有程靈
根湛虛服習粹精廣以觀萬約以守一迎之莫尋倚兮不
躋仰止元聖學海彌溢

極高明齋銘

清容集卷十七

三

直隸堂藏書

謂天穹隆環於九泉謂日陽靈始於虞淵邈焉具瞻荒忽
漫漶銖黍立鈞億萬以正行遠陟遐跬步攸定維先聖彝
訓大賢是證理一分殊等級辨分不博以求孰爲彌綸不
約以觀孰歸其根積小斯高用晦斯明罔有僭差是準是
繩戶冊孔昭爰矢厥銘

九思堂銘

虛中實中圖書之紐實以分殊虛以一受理原於初思曷
爲九於赫元聖分言爲中上由體生下應景從維李氏子
受訓控侗戶冊孔昭執玉靡隆數窮於元陰陽以類則皇
極之言罔有偏陂

淵靜齋銘 爲蒙道
士作

倚鉤盤審鯢桓蜀叟蒙拱以觀煥無極視晏溫默雷聲守
絲絲珠在宮百神環時既至乘風搏

清容居士集卷第十七

清容集卷十七

古

宜稼堂叢書

九十八



07229

